



Broj: 01-101/16
Vareš, 30.05. 2016. godine

Z A P I S N I K
s 36. sjednice Općinskog vijeća Vareš,
održane 28.04. 2016. godine

Zdravko Marošević –predsjedavajući Općinskog vijeća Vareš, otvorio je 36. sjednicu s početkom u 16,00 sati, u velikoj sali Općine Vareš.

Izvršena je prozivka vijećnika.

Prisutni vijećnici: Ismet Abdulahović, Boško Andrić, Mahira Brkić, Tajiba Brkić, Asmir Čizmo, Zdenko Franjić, Osman Ibrišimović, Emir Islamović, Demo Kevrić, Milan Knežević, Tarik Kovač, Zdravko Marošević, Mario Mirčić, Safeta Muftić, Elvir Rožajac, Jasmin Salketić i Nikola Šimić.

Odsutni: Kenan Kamenjaš i Mato Pavić.

Pored vijećnika sjednici prisustvuju: Općinski načelnik – gosp. Avdija Kovačević, sekretar Općinskog vijeća – gosp. Leon Pavlović, pomoćnici općinskog načelnika i predsjednici političkih stranaka.

Sekretar OV Leon Pavlović izvijestio je Vijeće o realizaciji Zaključaka i postavljenim vijećničkim pitanjima sa 35. sjednice OV održane 31.03. 2016. godine. Na 35. sjednici OV donesen je jedan (1) zaključak koji je u toku realizacije. Postavljeno je pet (5) vijećničkih pitanja. Na četiri (4) vijećnička pitanja dat je usmeni odgovor na 35. sjednici, na jedno (1) vijećničko pitanje nadležni su dostavili pismeni odgovor podnosiocu pitanja.

(Vijećnička pitanja)

Elvir Rožajac

1. Pitanje upućeno PS Vareš - Zašto se češće ne obilaze periferne mjesne zajednice na području općine Vareš? O postavljenom pitanju dao je pojašnjenje.

Ismet Abdulahović

2. Tražio je od PS Vareš i Općinskog načelnika da poduzmu odgovarajuće mjere vezano za rad ugostiteljskog objekta u MZ Dabravine a u vezi sa narušavanjem javnog reda i mira? O postavljenom pitanju dao je pojašnjenje.

Demo Kevrić

Traži odgovore na postavljena vijećnička pitanja na prethodnim sjednicama.

3. Nadležna Služba da uputi dopis Elektrodistribuciji Zenica PJ Vareš i traži odgovor na pitanje - Da li će se i kada će se završiti rekonstrukcija niskonaponske mreže u MZ Striježevo (rasvjeta)? O postavljenom pitanju dao je pojašnjenje.
4. Traži da se Vijeće upozna sa opširnijom informacijom o sudbini nogometnog stadiona u općini Vareš. O postavljenom pitanju dao je pojašnjenje.

Općinski načelnik Kovačević Avdija u okviru aktuelne problematike na području općine Vareš za današnju sjednicu nije imao obraćanje.

Predsjedavajući OV stavio je na raspravu Zapisnik sa 35. sjednice OV.

Nije bilo učesnika u raspravi i predsjedavajući OV stavio je na izjašnjavanje Zapisnik sa 35. sjednice OV.

Nakon izjašnjavanja vijećnika predsjedavajući OV konstatuje da je **jednoglasno (17 glasova „ZA“) usvojen Zapisnik sa 35. sjednice OV.**

Predsjedavajući OV stavio je na raspravu prijedlog dnevnog reda za 36. sjednicu OV koji je usaglašen na Kolegiju Općinskog vijeća.

Za riječ se javio Općinski načelnik i predložio dopunu dnevnog reda sa tačkom 1. „ Prijedlog Odluke kojom se utvrđuje da je od javnog interesa izgradnja i rekonstrukcija elektroenergetskog objekta niskonaponske zračne kablovske mreže TP Višnjići, općina Vareš.“ Ostale tačke bi se pomjerile za jedan broj više.

Otvorena je rasprava po prijedlogu za dopunu dnevnog reda u kojoj su učestvovali vijećnica Safeta Muftić i predsjedavajući OV.

Dopuna dnevnog reda je jednoglasno prihvaćena.

Nije više bilo učesnika u raspravi i predsjedavajući OV stavio je na izjašnjavanje prijedlog dnevnog reda za 36. sjednicu OV sa prihvaćenom dopunom dnevnog reda.

Nakon izjašnjavanja vijećnika predsjedavajući OV konstatuje da je **jednoglasno (17 glasova „ZA“) usvojen s l i j e d e ć i**

D n e v n i r e d :

1. **Prijedlog Odluke kojom se utvrđuje da je od javnog interesa izgradnja i rekonstrukcija elektroenergetskog objekta niskonaponske zračne kablovske mreže TP Višnjići, općina Vareš.**
Izjavitelj: Općinski načelnik
2. **Izveštaj o izvršenju općinskog budžeta/proračuna za period I-III 2016. godine.**
Izjavitelj: Općinski načelnik
3. **Informacija o ostvarenim prihodima u 2015. godini po osnovu odluka Općinskog vijeća Vareš, i to:**
 1. **Odluke o općinskim administrativnim taksama,**
 2. **Odluke o općinskim komunalnim taksama,**
 3. **Odluke o komunalnoj naknadi,**
 4. **Odluke o građevinskom zemljištu,**Izjavitelj: Služba za prostorno uređenje, urbanizam, privredu i finansije
4. **Izveštaj o realizaciji Odluke općinskog fonda za vatrogastvo u 2015. godini.**
Izjavitelj: Služba za civilnu zaštitu

5. **Izveštaj o radu Savjeta mjesnih zajednica sa područja općine Vareš u 2015. godini.**
Izjestilac: Služba za opću upravu, društvene djelatnosti i boračko - invalidsku zaštitu.
6. **Informacija o stanju u oblasti privrede i nezaposlenim licima koja se vode kod Biroa za zapošljavanje Vareš po kvalifikacionoj, starosnoj i polnoj strukturi.**
Izjestilac: Služba za prostorno uređenje, urbanizam, privredu i finansije
7. **Informacija o provođenju Vansudske nagodbe, Općine Vareš i Zeničko-dobojskog kantona, o načinu izmirenja obaveza po osnovu Zakona o šumama Federacije BiH.**
Izjestilac: Općinski načelnik
8. **Informacija o zimskom održavanju lokalnih i regionalnih puteva i gradskih ulica.**
Izjestilac: Služba za prostorno uređenje, urbanizam, privredu i finansije
9. **Informacija o stepenu implementacije Plana upravljanja otpadom općine Vareš 2014-2019. godina.**
Izjestilac: Služba za prostorno uređenje, urbanizam, privredu i finansije.
10. **Informacija o realizaciji Ugovora o koncesijama za 2015. godinu.**
Izjestilac: Služba za prostorno uređenje, urbanizam, privredu i finansije
11. **Informacija o aktivnosti Općinskog načelnika po pitanju izmirenja duga Općine Vareš, po rješenju Kantonalnog poreznog ureda Zenica.**
Izjestilac: Općinski načelnik
12. **Tekuća pitanja.**

Ad. 1.

(Prijedlog Odluke kojom se utvrđuje da je od javnog interesa izgradnja i rekonstrukcija elektroenergetskog objekta niskonaponske zračne kablovske mreže TP Višnjići, općina Vareš.)

Otvorena je rasprava u kojoj su učestvovali vijećnik Ismet Abdulahović koji je skrenuo pažnju na redovnu Poslovničku proceduru koja se odnosi na odluke koje razmatra OV i pomoćnik načelnika Ermin Musa koji je u svom obraćanju upoznao prisutne da je Zahtjev za izražavanje javnog interesa podnesen prije dva dana, a obzirom da je ovo tehničko rješenje, preduslov za daljnje aktivnosti koje se rade i da investitor ne bi čekao narednu sjednicu Vijeća, prijedlog Odluke je dostavljen za današnju sjednicu na razmatranje.

Nije više bilo učesnika u raspravi i predsjedavajući OV stavio je na izjašnjanje Prijedlog Odluke kojom se utvrđuje da je od javnog interesa izgradnja i rekonstrukcija elektroenergetskog objekta niskonaponske zračne kablovske mreže TP Višnjići, općina Vareš.

Nakon izjašnjanja vijećnika predsjedavajući OV konstatuje da je sa **16 glasova „ZA“ i 1 „SUZDRŽANIM“ glasom usvojena**

Odluka kojom se utvrđuje da je od javnog interesa izgradnja i rekonstrukcija elektroenergetskog objekta niskonaponske zračne kablovske mreže TP Višnjići, općina Vareš.

Ad. 2.

*(Izveštaj/Izvjješće o izvršenju budžeta/proračuna
Općine Vareš za period januar/siječanj-mart/ožujak 2016. godine.)*

Komisija za privredu, finansije i budžet na 14. sjednici održanoj 25.04. 2016. godine jednoglasno je donijela slijedeći Zaključak:

- **Komisija nije imala primjedbi na Izveštaj/Izvjješće o izvršenju budžeta/proračuna općine Vareš za period januar/siječanj – mart/ožujak 2016. godine i isti se upućuje Vijeću na razmatranje.**

Otvorena je rasprava u kojoj je vijećnica Safeta Muftić iznijela mišljenje u vezi ove tačke dnevnog reda, te sugerisala da se do kraja poslovne godine pokuša uskladiti konto (putni nalozi) sa planom. Izjavila je da će Klub SBB podržati ovu tačku dnevnog reda.

Nije više bilo učesnika u raspravi i predsjedavajući OV stavio je na izjašnjavaње Izveštaj/Izvjješće o izvršenju budžeta/proračuna Općine Vareš za period januar/siječanj-mart/ožujak 2016. godine.

Nakon izjašnjavaња vijećnika predsjedavajući OV konstatuje da je sa **11 glasova „ZA“, 1 glasom „PROTIV“ i 5 „SUZDRŽANIH“ glasova usvojen**

***Izveštaj/Izvjješće o izvršenju budžeta/proračuna
Općine Vareš za period januar/siječanj-mart/ožujak 2016. godine.***

Ad.3.

*(Informacija o ostvarenim prihodima u 2015. godini
po osnovu odluka Općinskog vijeća Vareš, i to:
1. Odluke o općinskim administrativnim taksama,
2. Odluke o općinskim komunalnim taksama,
3. Odluke o komunalnoj naknadi,
4. Odluke o građevinskom zemljištu)*

Komisija za privredu, finansije i budžet na 14. sjednici održanoj 25.04. 2016. godine jednoglasno je donijela slijedeći Zaključak:

- **Komisija upućuje Vijeću na razmatranje Informaciju o ostvarenim prihodima u 2015. godini po osnovu odluka Općinskog vijeća Vareš, i to: Odluke o općinskim administrativnim taksama, Odluke o općinskim komunalnim taksama, Odluke o komunalnoj naknadi, Odluke o građevinskom zemljištu, uz sugestiju da Služba za prostorno uređenje, urbanizam, privredu i finansije izvrši detaljnu analizu po Odlukama o komunalnoj naknadi i građevinskom zemljištu, jer Komisija smatra da nisu obuhvaćeni svi potencijalni obveznici.**

Otvorena je rasprava u kojoj su učestvovali vijećnici: Safeta Muftić (ispred Kluba SBB traži da se ispoštuje Zaključak Komisije i o realizaciji istog obavijesti OV), Mario Mirčić (Klub Hrvatske koalicije podržava Zaključak Komisije), Ismet Abdulahović (podsjetio je na inicijativu –primjedbu Kluba BPS koja se odnosi na mogućnost smanjenja visine komunalne takse (isticanje reklame) za taxi vozače, frizere i male zanatske firme, traži da nadležni odgovore šta je urađeno po istoj), Jasmin Salketić (sugeriše da se pokuša vidjeti sa susjednim općinama kako je riješena visina komunalne takse), Đemo Kevrić (izjavio je da je potrebno uraditi tačnu analizu podataka u vezi građevinskog zemljišta i ostalih objekata) i pomoćnik načelnika Ermin Musa koji je izvijestio prisutne da će se na

osnovu zaključka uraditi izmjena Odluke o općinskim komunalnim taksama i uzeti u razmatranje sve primjedbe koje su navedene (do kraja tekuće godine).

Predsjedavajući OV iznio je svoje mišljenje u vezi ove tačke dnevnog reda i sugerisao nadležnim da iznađu sve mogućnosti kako bi se povećala naplativost naknada po osnovu općinskih Odluka.

Zatvorena je rasprava i predsjedavajući OV stavio je na izjašnjavanje Informaciju o ostvarenim prihodima u 2015. godini po osnovu odluka Općinskog vijeća Vareš, i to: Odluke o općinskim administrativnim taksama, Odluke o općinskim komunalnim takse, Odluke o komunalnoj naknadi i Odluke o građevinskom zemljištu uz zaključak Komisije.

Nakon izjašnjavanja vijećnika predsjedavajući OV konstatuje da je **jednoglasno (17 glasova „ZA“)** usvojen **Zaključak Komisije i**

Informacija o ostvarenim prihodima u 2015. godini po osnovu odluka Općinskog vijeća Vareš, i to:
1. Odluke o općinskim administrativnim taksama,
2. Odluke o općinskim komunalnim taksama,
3. Odluke o komunalnoj naknadi,
4. Odluke o građevinskom zemljištu.

Ad.4.

(Izveštaj o realizaciji Odluke općinskog fonda za vatrogastvo u 2015. godini)

Komisija za privredu, finansije i budžet na 14. sjednici održanoj 25.04. 2016. godine jednoglasno je donijela slijedeći Zaključak:

- **Komisija upućuje Vijeću na razmatranje Izveštaj o realizaciji Odluke općinskog fonda za vatrogastvo u 2015. godini uz obavezu Službi za civilnu zaštitu da izradi Program utroška sredstava za 2017. godinu i isti dostavi Vijeću na razmatranje uz Budžet Općine Vareš za 2017. godinu i da pojača aktivnosti na naplati sredstava po ovoj Odluci.**

Otvorena je rasprava u kojoj je vijećnica Safeta Muftić kao član Komisije za privredu, finansije i budžet upoznala prisutne sa Zaključkom Komisije i sugestijom da se od sredstava općinskog fonda za vatrogastvo izvrši registracija doniranog vatrogasnog vozila o čemu je dala pojašnjenje.

Pomoćnik načelnika Rusmir Berberović izjavio je da prihvata Zaključak Komisije

Predsjedavajući OV zaključio je raspravu i stavio na izjašnjavanje Izveštaj o realizaciji općinskog fonda za vatrogastvo u 2015. godini uz Zaključak Komisije.

Nakon izjašnjavanja vijećnika predsjedavajući OV konstatuje da je sa **14 glasova „ZA“ i 3 „SUZDRŽANA“ glasa usvojen Zaključak Komisije i**

Izveštaj o realizaciji općinskog fonda za vatrogastvo u 2015. godini.

Ad.5.

(Izveštaj o radu Savjeta mjesnih zajednica sa područja općine Vareš u 2015. godini.)

Otvorena je rasprava u kojoj su iznijeli svoje prijedloge, sugestije i mišljenja predsjedavajući OV Zdravko Marošević i vijećnici: Elvir Rožajac, Đemo Kevrić, Zdenko Franjić i Safeta Muftić.

Za riječ se javio Općinski načelnik koji je u svom obraćanju dao pojašnjenja u vezi prihoda mjesnih zajednica, odnosno finansijskog učešća Općine prema mjesnim zajednicama, te izjavio da će lokalna zajednica, u skladu sa svojim mogućnostima pomagati rad mjesnih zajednica.

U daljnjoj raspravi su učestvovali vijećnici: Elvir Rožajac (sugestija da se u izvještaju prikažu svi prihodi i rashodi), Đemo Kevrić (sugestija da se donese zaključak po kome će se u Izvještaju prikazati svaki prihod i rashod po bilo kome osnovu), Boško Andrić, Jasmin Salketić (upoznao prisutne sa radom i stanjem u MZ Dabravine) i predsjedavajući OV Zdravko Marošević koji je na osnovu diskusije vijećnika *konstatovao da se izradi obrazac na osnovu kojeg će se ubuduće u Izvještajima o radu Savjeta mjesnih zajednica navesti više podataka kako bi se imao uvid i jasnija slika o učešću viših nivoa Vlasti i lokalne zajednice prema mjesnim zajednicama i samom radu mjesnih zajednica.*

Zaključena je rasprava i predsjedavajući OV stavio je na izjašnjavanje Izvještaj o radu Savjeta mjesnih zajednica sa područja općine Vareš u 2015. godini.

Nakon izjašnjavanja vijećnika predsjedavajući OV konstatuje da je **jednoglasno (17 glasova „ZA“) usvojen**

***Izvještaj o radu Savjeta mjesnih zajednica
sa područja općine Vareš u 2015. godini.***

Ad.6.

(Informacija o stanju u oblasti privrede i nezaposlenim licima koja se vode kod Biroa za zapošljavanje Vareš po kvalifikacionoj, starosnoj i polnoj strukturi.)

Otvorena je rasprava u kojoj su svoje primjedbe, prijedloge, sugestije i mišljenje iznijeli vijećnici: Mahira Brkić (skrenula pažnju da u Informaciji nije navedena PJ Šumarija Vareš), Milan Knežević (uz dato pojašnjenje predložio je da se ova Informacija povuče sa dnevnog reda i da se umjesto Informacije uradi jedna analiza o stanju u oblasti privrede i vanprivrednim djelatnostima sa posebnim aspektom o problemu zapošljavanja visokoobrazovanih omladinaca i omladinki koji se nalaze na evidenciji Zavoda za zapošljavanje) i Mario Mirčić (skrenuo pažnju da se u narednoj informaciji dođe do podataka „stvarnih tragača posla“ i strukture kadrova koji traže posao), Mahira Brkić (replika vijećniku Mariu Mirčić), Mario Mirčić (replika vijećnici Mahiri Brkić), Elvir Rožajac i Ismet Abdulahović (uz dato pojašnjenje sugerisao da se omogući odrađivanje pripravnčkog staža).

Predsjedavajući OV u svom obraćanju dao je rezime na diskusije vijećnika u kojima su iznesene problemi u vezi nezaposlenosti na području općine Vareš i iznio mišljenje u vezi istog.

Za riječ se javio Općinski načelnik koji je u svom obraćanju upoznao prisutne sa strateškom politikom Općine Vareš i problemima koje treba riješiti kako bi se stvorila bolji ambijent u lokalnoj zajednici.

Predložio je Vijeću da se zaduži Općinski načelnik i Jedinostveni općinski organ da u koordinaciji sa Ministarstvom privrede ZDK i Federalnim ministarstvom energije, rudarstva i industrije, u periodu od 90 dana, sačini jedna cjelovita informacija kojoj će biti baza ova Informacija i sve diskusije koje su iznesene u raspravi (koje se odnose na ovu materiju), te da na jednoj od narednih sjednica dostavi se Vijeću na razmatranje.

U daljnjoj raspravi su učestvovali vijećnik Đemo Kevrić, Općinski načelnik Kovačević Avdija (replika vijećniku Đemi Kevriću- vijećnik Đemo Kevrić replika Općinskom načelniku), vijećnica Mahira Brkić i predsjedavajući OV Zdravko Marošević.

Predsjedavajući OV Zdravko Marošević zaključio je raspravu i konstatovao **uz Zaključak da je Vijeće primilo k znanju**

Informacija o stanju u oblasti privrede i nezaposlenim licima koja se vode kod Biroa za zapošljavanje Vareš po kvalifikacionoj, starosnoj i polnoj strukturi

Predsjedavajući OV stavio je na izjašnjavaње predloženi prijedlog Zaključka od strane Općinskog načelnika, te nakon izjašnjavaња konstatuje da **je jednoglasno usvojen predloženi Zaključak.**

Ad.7.

(Informacija o provođenju Vansudske nagodbe, Općine Vareš i Zeničko-dobojskog kantona, o načinu izmirenja obaveza po osnovu Zakona o šumama Federacije BiH.)

Otvorena je rasprava u kojoj je vijećnica Mahira Brkić informisala Vijeće da je od strane ŠPD Zavidovići 19.04.2016. godine uplaćena jedna mjesečna rata Kantonu.

Nije više bilo učesnika u raspravi i predsjedavajući OV konstatuje **uz Zaključak da je Vijeće primilo k znanju**

Informaciju o provođenju Vansudske nagodbe, Općine Vareš i Zeničko-dobojskog kantona, o načinu izmirenja obaveza po osnovu Zakona o šumama Federacije BiH.

Ad.8.

(Informacija o zimskom održavanju lokalnih i regionalnih puteva i gradskih ulica.)

Otvorena je rasprava u kojoj je vijećnik Mario Mirčić u svom obraćanju predložio prijedlog Zaključka:

- 1. Da nadležna služba Jedinственоg općinskog organa uprave traži od Kantonalne direkcije cesta Ze-do kantona, izuzimanje dijelova regionalnog puta R-444 i to :**
 - a) na dijelu od Benzinske pumpe „Butmir“ (Vareš- Majdan) do Ponikve (raskrižje za Javornik) u koji je uključen i „Tunel“,**
 - b) na dijelu MZ Dabravine (ulaz) – Hodžići radi zimskog i ljetnog održavanja puteva i povjeri ga pravnom licu koje vrši održavanje puteva na području Općine Vareš sa primjenom od sezone 2016/2017. godine.**

Pomoćnik načelnika Ermin Musa ispred ovlaštenog predlagača izjavio je da prihvata predloženi prijedlog Zaključka.

Nije više bilo učesnika u raspravi i predsjedavajući OV konstatuje **uz Zaključak da je Vijeće primilo k znanju**

Informacija o zimskom održavanju lokalnih i regionalnih puteva i gradskih ulica

Predsjedavajući OV stavio je na izjašnjavaње predloženi prijedlog vijećnika Maria Mirčić, te nakon izjašnjavaња vijećnika konstatuje da **je jednoglasno usvojen predloženi Zaključak.**

Ad.9.

*(Informacija o stepenu implementacije
Plana upravljanja otpadom općine Vareš 2014-2019. godina.)*

Nije bilo rasprave po ovoj tački dnevnog reda i predsjedavajući OV konstatuje **uz Zaključak da je Vijeće primilo k znanju**

***Informaciju o stepenu implementacije
Plana upravljanja otpadom općine Vareš 2014-2019. godina***

Ad.10.

(Informacija o realizaciji Ugovora o koncesijama za 2015. godinu.)

Nije bilo rasprave po ovoj tački dnevnog reda i predsjedavajući OV konstatuje **uz Zaključak da je Vijeće primilo k znanju**

Informaciju o realizaciji Ugovora o koncesijama za 2015. godinu

Ad.11.

(Informacija o aktivnosti Općinskog načelnika po pitanju izmirenja duga Općine Vareš, po Rješenju Kantonalnog poreznog ureda Zenica.)

Nije bilo rasprave po ovoj tački dnevnog reda i predsjedavajući OV konstatuje **uz Zaključak da je Vijeće primilo k znanju**

Informaciju o aktivnosti Općinskog načelnika po pitanju izmirenja duga Općine Vareš, po Rješenju Kantonalnog poreznog ureda Zenica

Ad.12.

(Tekuća pitanja.)

Predsjedavajući je izvijestio OV da sa današnjom sjednicom povodom tekućih pitanja nije bilo dostavljene tekuće pošte o kojoj bi Vijeće raspravljalo.

1. Općinski načelnik Kovačević Avdija u svom obraćanju, a u skladu sa Zaključkom Vijeća izvijestio je prisutne da je dostavljena informacija Ambasade Republike Turske i općine Oguzeli, da će predstavnici iste općine biti naši gosti 06.05. 2016. godine. U vezi s tim potrebno je zakazati Svečanu sjednicu 06.05.2016. godine na kojoj će se pristupiti svečanom potpisivanju Sporazuma o saradnji između općine Oguzeli Republika Turska i Općine Vareš. Tačan termin održavanja sjednice utvrditi će se naknadno.
2. Vijećnik Elvir Rožajac svom obraćanju upoznao je prisutne sa idejom-razmišljanjem da općinska administracija izvidi mogućnost da se svim ambasadama u Sarajevu uputi dopis sa molbom za pomoć u sanaciji krovova i fasada na zgradama u našoj općini.
3. Predsjedavajući OV Zdravko Marošević upoznao je prisutne i javnost da je na putu R 444 (makadamski dio) od Ivančeva do mosta na Krivaji, firma „Porobić“ jutros započela sa sanacijom puta. Predsjedavajući je također upoznao sa problemima zbog neadekvatnog održavanja puta izvođača radova, te sugerisao *Općinskom načelniku i Općinskom vijeću da se nadležnim u Kantonu uputi dopis – prigovor i izvidi mogućnost da se navedeni put izuzme iz nadležnosti Kantona kad je održavanje u pitanju. O svemu navedenom dao je pojašnjenje.*
4. Vijećnik Đemo Kevrić zatražio je od predsjedavajućeg OV, a u skladu sa dogovorom na Kolegiju OV, da predsjedavajući upozna Vijeće sa Obavijesti Poreske uprave Zenica – ispostava Vareš broj: 13-4/9-15-23-393-1/16 M.A. od 31.03.2016. godine, koja se odnosi na

obavezu plaćanja dugovanja za doprinose. Predsjedavajući OV upoznao je Vijeće sa sadržajem dopisa.

Predsjedavajući OV u svoje lično ime i u ime Vijeća, čestitao je građanima 1. maj – međunarodni praznik rada i svim građanima pravoslavne vjeroispovijesti koji slave nadolazeći Blagdan Vaskrs.

Sastavni dio ovog Zapisnika je audio zapis sjednice.
Sjednica je završena u 18,25 sati.

SEKRETAR

Leon Pavlović

ZAPISNIČAR

Azra Ibrahimović

***PREDSEDVAJUĆI
OPĆINSKOG VIJEĆA***

Zdravko Marošević